

古
詩
賞
析

古詩賞析卷七目錄

後漢詩

無名氏

焦仲卿妻

有序

長安語

城中謠

蜀中謠

京都謠

攷城諺

小麥謠

舉秀才謠

城上烏謠

北邙謠

丁令威

有鳥歌

蘇耽

鄉原歌

蜀漢詩

諸葛亮

梁甫吟

古詩賞析卷七

吳縣張玉穀蔭嘉選解

門人

蔣曾煊德融

蔣曾熿德明

校字

甥 嚴廷燦景初

男 大鎔禹金

後漢詩

無名氏

焦仲卿妻

雜曲歌辭一作古詩爲焦仲卿妻作一作廬江小吏行○有序

漢末建安中。廬江小吏焦仲卿妻劉氏。爲仲卿母所遣。自誓不嫁。其家逼之。乃投水而死。仲卿聞之。亦自縊於庭樹。時人傷之。而爲此辭也。

孔雀東南飛。五里一徘徊。

東南飛。謂東與南分飛也。

十三能織

素。十四學裁衣。十五彈箏篴。十六誦詩書。十七爲

君婦。心中常苦悲。君旣爲府吏。守節情不移。

守節情不

移。言守當官之節。不爲夫婦之情所移也。

賤妾留空房。相見常日稀。雞

鳴入機織。夜夜不得息。三日斷五疋。大人故嫌遲。

非爲織作遲。君家婦難爲。妾不堪驅使。徒留無所

施便可白公姥及時相遣歸

上二十二句乃灰微魚支四韻第二部通

韻而其中介以織息二字則又自爲一韻也

府吏得聞之堂上啓阿母

兒已薄祿相幸復得此婦

祿猶福也

結髮同枕席黃泉

共爲友共事三二年始爾未爲久女行無偏斜何

意致不厚

上十句乃有韻卽厚字兼收宥韻亦三聲通也

阿母謂府吏何

乃太區區此婦無禮節舉動自專由吾意久懷忿

汝豈得自由東家有賢女自名秦羅敷可憐體無

比阿母爲汝求便可速遣之遣去慎莫畱

自名秦羅敷自

比於秦羅敷也○上十二句乃虞尤二韻第二部通韻

府吏長跪告伏惟啓

阿母。今若遣此婦。終老不復取。阿母得聞之。椎牀

便大怒。小子無所畏。何敢助婦語。吾已失恩義。會

不相從許。許。或作計。誤。府吏嘿無聲。再拜還入戶。舉言

謂新婦。哽咽不能語。我自不驅卿。逼迫有阿母。卿

但暫還家。吾今且報府。報府。報命於府也。不久當歸還。

必相迎取。以此下心意。慎勿違吾語。上二十二句。乃有廋遇語。

四韻第二部三聲通韻。新婦謂府吏。勿復重紛紜。紛紜。意往不定也。往

昔初陽歲。謝家來貴門。初陽。春也。謝辭也。奉事循公姥。進

止敢自專。循。依也。晝夜勤。作息伶俜。縈苦辛。伶俜。行貌。不出貌。

縈縈謂言無罪過。供養卒大恩。謂可供養而卒能報公姥之大恩。

仍更被驅遣。何言復來還。刪上十二句乃文元先真刪五韻第四部通韻。

妾有繡腰襦。葳蕤自生光。襦短衣。葳蕤紅羅複斗盛而下垂貌。

帳四角垂香囊。複夾也。箱簾六七十。綠碧青絲繩。箱簾

箱上箱也。繩物物各自異種種在其中人賤物亦箱上流蘇也。

鄢不足迎後人。畱待作遺施於今。無會因。畱待作遺施言

畱遺於此待異時時爲安慰久久莫相忘雞鳴外

日施捨於人也。欲曙新婦起。嚴粧著我繡袂裙。事事四五通。袂夾衣也。

事事猶件件。足下躡絲履。頭上玳瑁光。腰若流紈也。通猶套也。

素耳著明月。璫流統素言腰束指如削。葱根口如

含珠丹。含珠丹如丹之纖纖作細步。精妙世無雙。

上二十六句乃第一部陽蒸東江四韻第四部真寒二韻兩界通韻上堂拜阿母。阿

母怒不止。昔作女兒時。生小出野里。本自無教訓。

兼愧貴家子。言愧爲貴家子婦也受母錢帛多。不堪母驅使。

今日還家去。念母勞家裏。却與小姑娘。別淚落連珠。

子。上十句乃紙韻新婦初來時。小姑娘始扶牀。今日被驅遣。

小姑娘如我長。勤心養公姥。好自相扶將。扶將扶持而將息也

初七及下九。嬉戲莫相忘。初七下九未詳或七夕九日也出門登

車去淚落百餘行。上十句乃陽韻府吏馬在前新婦車在

後隱隱何甸甸俱會大道口。隱隱車聲也下馬入車

中低頭共耳語。耳語附耳而語也誓不相隔卿且暫歸家

去吾今且赴府不久當還歸誓天不相負。上十句乃有

語麋三韻第二部通韻吾今且赴府句叠句用韻也新婦謂府吏感君區區

懷君既若見錄不久望君來君當作盤石妾當作

蒲葦蒲葦紐如絲盤石無轉移。紐索也言蒲葦可

不絕我有親父兄性行暴如雷恐不任我意逆以

煎我懷舉手長勞勞二情依依。勞勞謂中心勞勞也入門

上家堂。進退無顏儀。阿母大拊掌。不圖子自歸。十
三教汝織。十四能裁衣。十五彈箏篴。十六知禮儀。
十七遣汝嫁。謂言無誓違。無誓違。無決絕去夫家也。汝今何罪
過。不迎而自歸。蘭芝慚阿母。兒實無罪過。阿母大
悲。摧還家十餘日。縣令遣媒來。云有第三郎。窈窕
世無雙。年始十八九。便言多令才。便言。善於言語。令才。美才也。
阿母謂阿女。汝可去應之。阿女含淚答蘭芝。初還
時。府吏見丁寧。結誓不別離。今日違情義。恐此舉
非奇。言今日遣歸。雖違情義。然迎歸之事。容亦有之。而非爲奇也。自可斷來信。

徐徐更謂之。

斷來信謂回絕今來之媒更謂之再通信於府吏也。○上四十五句乃佳

灰支微尾五韻。

第二部三聲通韻內蘭芝慚阿母三句爲三句用韻介以雙郎二字則又自爲一韻

也。

阿母白媒人貧賤有此女始適還家門。

言適人未久而

近還

家也。不堪吏人婦。豈合令郎君。幸可廣問訊。不得

便相許。

上七句八字單句領韻門君協之乃真文元三韻第四部通韻許之去聲爲御御與

真文元之入聲質物月爲回互通則兩推兼及三聲之叶也。

媒人去數日。尋遣

丞請還。

尋遣丞請還言太守俄復遣縣丞重來說親也。而口氣則似蒙上縣令遣媒句來勿

混說有蘭家女。承籍有宦官。

蘭家女意謂劉家之女蘭芝也。然恐蘭字

乃劉字

云有第五郎。嬌逸未有婚。

說有云有皆太守告媒語也。

遣丞爲媒人主簿通語言直說太守家有此令郎

君旣欲結大義故遣來貴門

此四句乃丞簿述太守之言

阿母

謝媒人女子先有誓老姥豈敢言阿兄得聞之悵

然心中煩舉言謂阿妹作計何不量先嫁得府吏

後嫁得郎君否泰如天地足以榮汝身不嫁義耶

體其往欲何云

往一作佳欲他云將何說也

蘭芝仰頭答理實

如兄言謝家事夫壻中道還兄門處分適兄意那

得自任專雖與府吏要渠會永無緣登卽相許和

便可作婚姻

登卽猶當卽許和謂許與和好也

媒人下床去諾諾

復爾爾還部白府君床謂所坐胡床還部猶還其衙署也下官奉使

命言談大有緣府君得聞之中心大喜歡作歡喜一

非視曆復開書便利此月內六合正相應六合吉星名

良吉三十日今已二十七卿可去成婚去成婚言

也婚也交語速裝束絡繹如浮雲交語速裝束言太守遣人交相傳語急速

裝束行聘青雀白鵠舫四角龍子幡婀娜隨風轉諸事也

金車玉作輪隨風轉似頂上龍子幡躑躅青驄馬來然作車輪之轉為妥

流蘇金縷鞍齎錢三百萬皆用青絲穿雜綵三百

疋交廣市鮭珍交廣地名鮭音鞣吳人謂魚菜之總名此言鮭珍足珍重之魚菜也

從人四五百鬱鬱登郡門

登郡門齊集府門伺候也。上六十二句乃刪

元寒真文先六韻第四部通韻而量在陽韻應在蒸韻則又與第一部兩界通內阿母謝媒人一句

用韻媒人下床去三句用一韻視曆復開書六句用二韻也

阿母謂阿女適得

府君書明日來迎汝何不作衣裳莫令事不舉阿

女嘿無聲手巾掩口啼淚落便如瀉移我琉璃榻

出置前窗下左手持刀尺右手執綾羅朝成繡袂

裙晚成單羅衫唵唵日欲暝愁思出門啼府吏聞

此變因求假暫歸

此變謂重與太守結親之變故也

未至二三里

摧藏馬悲哀

藏古通藏摧藏謂摧傷其肺腑也。此二十句乃語馬歌齊微灰六韻第

二部三聲通韻內阿母謂阿女淚落便如瀉皆單
句用韻而裙在文韻衫在咸韻則第四部與第五
部兩界通韻介在新婦識馬聲躡履相逢迎悵然
中間自爲一韻也遙相望知是故人來舉手拍馬鞍嗟歎使心傷自
君別我後人事不可量果不如先願又非君所詳
我有親父母逼迫兼弟兄以我應他人君還何所
望此十四句乃陽庚二韻第一部正通而望字量
字本以去聲入平聲卽讀去聲作三聲通亦可
第四句來字去聲爲隊韻隊與陽庚之入聲
藥陌爲回互通則兩推兼及三聲之叶也府吏
謂新婦賀卿得高遷謂得高門而盤石方且厚可
以卒千年蒲葦一時紉便作旦夕間一時紉意謂
柔弱任人轉

弄不自卿當日勝貴我獨向黃泉日勝貴日勝新主也一日而貴也

婦謂府吏何意出此言同是被逼迫君爾妾亦然

黃泉下相見勿違今日言執手分道去各各還家

門生人作死別恨恨那可論念與世間辭千萬不

復全府吏還家去上堂拜阿母今日大風寒寒風

摧樹木嚴霜結庭蘭兒今日冥冥令母在後單冥冥

言將死而故作不良計勿復怨鬼神故作不良計謂母自作此

不良之計也○此二十九句乃先刪元寒與命如

五韻第四部通韻內府吏還家去三句用韻南山石四體康且直以山石不動喻已死而僵直也阿母得聞之

零淚應聲落。汝是大家子。仕宦於臺閣。慎勿爲婦

死。貴賤情何薄。

言已貴婦賤情何必不薄也

東家有賢女。窈窕

艷城郭。阿母爲汝求。便復在旦夕。府吏再拜還。長

歎空房中。作計乃爾立。

言算計如何也

轉頭向戶

裏。漸見愁煎迫。

此十七句乃第一部陌職藥三韻與第五部緝韻兩界通韻內府吏

再拜還三句用韻

其日牛馬嘶。新婦入青廬。

入青廬自外歸來也西陽

雜俎北朝婚禮青布幔爲屋在門內外謂之青廬

於此交拜迎婦夫家領百餘人或十數人隨其奢

儉挾車俱呼新婦子催奄奄黃昏後寂寂人定初

出來至新婦登車乃罷

奄奄一作菴菴我命絕今日。魂去尸長留。攬裙脫絲

履舉身赴清池。府吏聞此事。心知長別離。

聞此事

已死徘徊顧樹下。自掛東南枝。

此十二句乃尤支魚三韻第二部通

韻

兩家求合葬。合葬華山傍。東西植松柏。左右種

梧桐。枝枝相覆蓋。葉葉相交通。中有雙飛鳥。自名

爲鴛鴦。仰頭相向鳴。夜夜達五更。行人駐足聽。寡

婦起徬徨。多謝後世人。戒之慎勿忘。

此十四句乃陽東庚三韻

第一部

通韻

古來長詩。此爲第一。而讀去不覺其長者。結構

嚴密也。今爲逐段分疏。通章乃能得解。首二句

以孔雀分飛徘徊。比起兩人情事。章法與末段

配爲一截。自十三能織素至會不相從。許爲一

截爲遣歸緣起十三二十句直就新婦謂府吏
語說起更不略述兩人家世省閑文擒題主也
自明聰慧自述勤勞鳴被遣之冤而所以被遣
之故卽坐此府吏守節借口提清遣歸字反吐
自新婦在文章爲逆筆在事勢爲先幾府吏十
句府吏不勸婦安分而遽直言詰母爲婦鳴被
遣之冤而婦所以被遣之故又坐此言婦好正
激母怒也黃泉爲友全局一領行無偏邪亦借
口提清阿母十二句母性本不仁慈加以夫妻
皆不善於調處於是遣歸之心決而遣歸之言
吐矣東家四句插得突然藉此平添波折且并
爲後文女家求婚踵至先作一引府吏四句急
語再一遍阿母六句怒語再一緊而婦歸之勢
無可挽回矣敘次極其明劃自府吏嘿無聲至
久久莫相忘爲一截敘將歸未歸夫妻訣別事
府吏十二句府吏要約之辭就嘿無聲不能語
引入情狀可憐點明逼迫由母隨卽一口咬定
還必迎取誠樸人由中語也論事則爲反撲論

心則爲正提。新婦十二句。敘新婦答辭。反將復歸說得必無是理。蓋性傲人不肯遠作軟語。非本意也。論事則爲正領。論心則爲反試。妾有十四句。綴一段瑣碎丁寧。非止文章憑空設色。頓覺敷腴。蓋此去原非本懷。而重還勢難自主。睹物傷心。情固爾爾。而所以固結府吏之作用。亦寓焉。時時二句。真乃殺活都有。自雞鳴外欲曙至淚落百餘行爲一截。敘遣歸正面。雞鳴十二句。被遣歸家。有何情緒。作此嚴粧。呈其美態。亦謂男子之情。或移於色。特借是再爲臨行固結。府吏之地。新婦苦衷。作者曲爲寫出。第云華騰淺矣。論文。上堂十句。母怒不止。應前伏後。婦辭決絕。仍帶和婉。總由心識夫言。以爲重歸作地。却與十句。更極淒楚。蓋新婦性傲。既不肯於母前乞留。藉與小姑惜別。纏綿終冀母心之一轉也。出門二句。收住。自府吏馬在前至二情同依。依爲一截。敘夫妻在途盟約。舉後逼嫁同死情事。無不隱隱逗起。長篇必得此中腰關鍵。方不

懈弛。府吏六句。寫府吏先候前途。迎車會語。以見情重。誓不五句。府吏再申前約。添出兩誓字。說得更無轉變。新婦十二句。新婦至此。方直吐。出望歸本心。精細之至。盤石蒲葦兩喻。暗逗同死。父兄不任我意。顯逗逼嫁。舉手二句。兩面總收。有力。自入門上家堂。至不得便相許。爲一截。敘新婦到家。第一次逼嫁事。入門二句。敘事領入。阿母十句。寫阿母不問委曲。遽加詰責。躁急之性。於媒氏未來前。先一描摹。此後半起手處。故十三五句。複述起處。以作章法。蘭芝三句。略述苦衷。作轉關一頓。還家六句。敘初次媒來。張皇從略。讓次段也。阿母二句。母遣女應。逼亦從輕。讓次段也。阿女八句。直陳不嫁之意。蓋母前猶可言情也。府吏結誓。應前伏後。用正筆。阿母七句。母果相諒。辭婚。亦讓次段也。此次逼嫁不成。而一逼一辯一覆。凡三曲。自媒人去數日。至便可作婚。嫺爲一截。敘第二次逼嫁事。媒人十二句。敘太守鄭重囑媒。丞簿殷勤將命。較前段

加倍渲染。挑出狠心勢利之阿兄來。阿母三句。先用阿母一辭。挑阿兄也。女子有誓。借便一提。阿兄十句。入阿兄儘力一逼。勢利起見。語語喪心。作者其惡之甚也。蘭芝十句。此時蘭芝竟不與兄一辯。具有深心。蓋未仰頭答時。其俯首沉思已久。太守上官。屬吏勢難與抗。阿兄戾性。大義更難與爭。胸中判定一死。索性坦然順之。不露圭角。爲後得以偷出。再會府吏地也。蘭芝機警。正賴此神到之筆達之。於此不能索解。負蘭芝并負作者矣。與府吏要。亦應前伏後用。反筆此次逼嫁似成。亦一辭一逼一應。凡三曲。自媒人下床去。至愁思出門啼爲一截。敘兩家行聘催粧。爲着身一大逼。而蘭芝之死。無可挽回矣。媒人十三句。敘簿丞報命。太守擇日。與上截起處應。交語十四句。備敘行聘舟船車馬錢帛鮭珍。從人之盛。總以使勢利者日迷。貞烈者腸斷耳。而借以設色。又恰與妾有繡腰襦段。遙配作章法。此爲男家一逼。阿母五句。寫阿母不曉女

心亦將錯就錯。催作嫁衣。爲家中一逼。阿女九句。先寫阿女悲從中來。欲掩幾露。略逗死機。嘿無聲。又與前府吏嘿無聲相應。隨寫強出裁縫。絕不違拘。總恐家人覺其覓死。加意提防。不得偷出。再與府吏一別。剖明彼此之心跡也。暗暗二句。收上拖下。自府吏聞此變。至千萬不復全爲一截。敘夫妻將死。第三番大訣別。與前兩番字字照應。絕大章法。府吏十句。敘府吏聞變急歸。新婦恰已迎上。馬亦悲哀。馬聲亦識。未交一語以前。先寫得心心相印。自君八句。新婦略述別後情節。却不急露死字。欲先明彼心跡。而後表我心跡也。府吏八句。府吏遽作不諒憤辭。而死字反就彼處吐出。文章曲筆。亦逆筆也。盤石蒲葦。卽以彼言作案底。便甚密甚。新婦六句。新婦至此。直白本心。四語括盡前文。直透後文。乃通篇筋脉總會處。敘別正面也。執手六句。本截總收。卽下截總提。重規疊矩。自府吏還家去。至自掛東南枝。爲一截。敘夫妻同死正面。爲通篇。

大結局。府吏十一句。本是新婦先死。却先敘府吏將死。別母一段。蓋兩人之死。母實禍魁。此處必須繳醒。且先敘明。以下兩人之死。方可簇在一處。章法緊湊也。阿母十句。寫阿母第勸勿死。仍不悔悟。急圖迎婦兩全。是速之死耳。東家四語。應前。且與女家兩次求婚。虛實相對。作章法。府吏十七句。正敘兩人同死。然府吏五句。方敘府吏覓死。其辭未竟。却突入其日八句。新婦絕命之事。然後府吏四句。遙接前文。敘完府吏之死。能使兩地兩人兩事。精神團結。而寫情寫景。仍復面面分明。筆法之奇。於斯歎絕。其中大風寒三句。牛馬嘶一句。似屬點綴閒文。然正以天時物類。無不感動。顯出兩人一片精誠。無得認為浪筆。自兩家求合葬。至終篇爲末截。就兩人身後感傷作收束。然絕不鋪敘兩家如何悲慟。只以合葬華山了之。與起處不敘家世同一節省。閑文之法。顧又以如此長篇。收束豈容草草。因卽借合葬。就樹木之連理。引起鴛鴦雙鳴之

感人爲兩人同心甘死。畱一印證。且恰與篇首孔雀遙配作章法。而作者之傷感。惟末二語一點。却又在逼之死者一邊着筆。戒逼之死者。正所以傷死者也。兜裏無遺。○長詩無剪裁。則傷繁重。無蘊藉。則傷平直。無呼應。則傷懈弛。無點綴。則傷枯淡。此詩須看其錯綜諸法。無美不臻處。○男家無公。乃云公姥。女家無父。乃云父母。共事二三年。而云新婦初來。姑始扶牀。今被驅遣。姑如我長。府吏小役。而云仕宦於臺閣。皆是詩人故露滲漏處。勿泥可也。○此詩多用古韻。且或一句用韻。或三句用韻。或以短韻介入長韻。驟讀最難清晰。今依毛氏韻細審定。挨次注明。卽間有邵氏韻亦通者。不復從略。於通部爲變例。閱者知之。

長安語

雜歌謠辭。一作竈下養。○東觀漢記

或膳夫庖人
長安語曰

竈下養中郎將養所養之人也○此養漾爛羊胃

都騎尉爛羊頭關內侯

直書其事而濫爵之非已使人無不髮指最亾最古

城中謠雜歌謠辭○後漢書馬廖傳時馬太后躬履節儉事從簡約廖恐美業難

終上書長樂宮言政政移風必有其本長安語曰

城中好高髻四方高一尺城中好廣眉四方且半

額城中好大袖四方全正帛

只就小處形容而上行下效之意讀之凜然排句亦饒古趣

蜀中謠雜歌謠辭○後漢書五行志世祖時建武六年蜀中童謠是時公孫述僭

號於蜀時人竊言王莽稱黃述欲繼之故稱白五銖漢家物明當復也述遂誅滅

黃牛白腹五銖當復也黃牛白腹物妖

只言莽述繼亂終歸漢耳而造句絕奇却是謠辭本色

京都謠

雜歌謠辭○後漢書五行志順帝之末京都童謠按順帝卽世孝質短祚

大將軍梁冀貪樹疎幼以爲己功專國號令以贍其私太尉李固以爲清河王雅性聰明敦詩說禮加又屬親立長則順置善則固而冀建白太后策免固徵蠡吾侯遂嗣位爲桓帝固幽斃於獄暴屍道路而太尉胡廣封安樂鄉侯司徒趙戒厨亭侯司空袁陽安國亭侯

直如絃死道邊曲如鉤反封侯反一作乃

傷正惡邪。語亦古勁。但不
如竈下養之較有餘味。

考城諺

雜歌謠辭。○後漢書仇覽陳畱考城人。爲蒲亭長。初到亭。有陳元之母詣

覽告元不孝。覽以善言勸之。母感悟泣去。覽乃親到元家。與其母子飲。爲陳人倫孝行。譬以禍福。元卒成孝子。鄉邑爲之諺曰。

父母何在在我庭。化我鴟鴞哺所生。

頌其德政。妙用比喻。一語中包括多少情事。錘鍊入神。

小麥謠

雜歌謠辭。○後漢書五行志桓帝之初。天下童謠。按元嘉中涼州諸羌一

時俱反。南入蜀漢。東抄三輔。延及并冀。大爲民害。命將出衆。每戰常負。中國益發兵卒。麥多委棄。但有婦女獲刈之也。吏買馬君具車者。言調發重。及有秩者也。請爲諸

君鼓隴胡不敢
公言私咽語也

小麥青青大麥枯誰當穫者婦與姑丈夫何在西

擊胡吏買馬君具車請爲諸君鼓隴胡買一作置
君尊者通

稱鼓動也隴
胡指喉吭

上三句言從軍者衆而田將荒却從麥青麥枯
用逆筆逐句推原出來便不平順吏買二句就
有秩者推廣言之末句則
以不敢明言咽住造句奇

舉秀才謠

雜歌謠辭郭樂府無後二句○後
漢書桓靈之世更相濫舉人爲之

云謠

舉秀才不知書察孝廉父別居寒素清白濁如泥

高第良將怯如鼯

寒素清白寒素之家自號清白者也泥與涅同染皂物高第良

將居高大府第之良將也鼯音蔑或音密晉書作怯如

翻云泥音涅或音匿鼯音蔑或音密晉書作怯如

雞蓋不得其音而改之按論語涅而不滓楚辭及

史記屈原傳作泥而不滓索隱曰泥音涅據此知

泥有涅音則桓帝時童謠鼯讀為蔑矣穀

按二字諸本入聲韻中皆不收亦是疎處

名不副實說來真可破涕為笑本

四事也後二句法變換便不嫌板

城上烏謠

雜歌謠辭○後漢書五行志桓帝之初京師童謠按此皆謂為政貪

也城上烏尾畢逋者處高利獨食不與下

共謂人主多聚斂也公為吏子為徒者言

蠻夷將叛逆父既為軍吏其子又為卒徒

往擊之也一徒死百乘車者言前一人往

討胡既死矣後又遣百乘車往也車班班

入河間者言桓帝將崩乘輿班班入河間

迎靈帝也。河間姁女工數錢，以錢爲室。金爲堂者，靈帝旣立，其母永樂太后好聚金，以爲堂也。石上慊慊春黃梁者，永樂惟積金錢，慊慊常若不足，使人舂黃梁而食之也。梁下有懸鼓，我欲擊之，丞卿怒者，言永樂教靈帝使賣官受錢，所祿非其人，天下忠篤之士怨望，欲擊懸鼓以求見丞卿主鼓者，亦復諂順，怒而止我也。

城上烏尾畢逋

二句五行志所解晦甚。唐解駁之以爲烏乃貪殘之鳥，城上烏喻君

居高位畢逋皆亡也。烏皆無尾喻君無後嗣也。愚謂諂意止刺政貪作民窮失庇逋負甚多之比。尤直截。公爲吏子爲徒一徒死百乘車。四句五行志所解亦不確也。

唐解本韋昭注以吏爲官吏徒爲囚徒一徒指桓帝貴任羣閣參委機政有同囚徒之長也。愚謂如此則與刺貪之意不針對且一徒死百乘車語更無着矣。不如以徒作胥徒之徒以在官之吏徒相

繼暗比君位相承一徒謂桓帝言一徒之死遺有
百乘是其積富已久正不必更附益也呼起下文
永樂顯貨車班班入河間班班猶隊隊太后河

來爲是間人此指迎靈帝也河

間姪女工數錢以錢爲室金爲堂石上慊慊春黃

梁姪美也石上慊慊春黃梁言石曰盛梁有限而

誤慊慊然春之不已比搜索民間之酷也舊解亦

梁下有懸鼓我欲擊之丞卿怒丞卿鼓吏也

謠刺上貪殘而下貧困也首二就民貧比起奇

甚公爲四句先言積貧擁富之久借吏以指君

也車班五句方正敘現在貪財無已以致民間

貧困不敢斥言托之姪女造句古趣末二結到

無所控告貪者

必酷隱痛深矣

北邙謠

雜歌謠辭○後漢書五行志靈帝之

末京都童謠至中平六年少帝登攝

至尊獻帝未有爵號為中常侍段珪等所執公卿百官皆隨其後到河上乃得還此

為非侯非王

上北邙者也

侯非侯王非王千乘萬騎上北邙北邙河上山名

過後則字字應驗當時則不解云何大是離奇

丁令威仙人

有鳥歌仙歌謠辭○搜神記丁令威者遼東人漢初隨師學得仙道分身任意所

欲常暫歸化為白鶴集郡城門華表柱頭時有少年舉弓欲射之鶴乃飛徘徊空中

而言云云遂高上冲天

有鳥有鳥丁令威去家千歲今歸來城郭如故人

民非何不學仙。冢累累。

此歌從己之學仙來歸說起。轉到人壽不長。喚醒一切。化鶴意。起卽點明。

蘇耽人仙

鄉原歌

仙歌謠辭。○神仙傳。蘇耽。桂陽人。少

舉有日。母曰。吾獨依爾。爾去。我何依。耽乃留一樞。封鑰甚固。若有所需。告之。如所願也。預爲植橘。鑿井。及郡人大疫。但食一橘。葉飲一泉水。卽愈。後一鶴降郡屋。久而不去。郡僚子弟彈之。鶴乃舉足。畫屋。若書字焉。其辭云云。或曰。耽騎白鶴來止。郡城東北樓上。人或挾彈彈之。鶴以爪攫樓板。似漆書云。

鄉原一別重來事。非甲子不記。陵谷遷移。白骨蔽

野。青。山。舊。時。翹。足。高。屋。下。見。羣。兒。我。是。蘇。仙。彈。我。

何。爲。翻。身。雲。外。却。返。吾。居。此支微魚三韻

第二部通韻

此詩亦用重歸說起。却先將人壽不長慨歎。然後以已之學仙不死。現身說法。化鶴意。至後幅點明。

蜀漢詩

諸葛亮

字孔明。瑯琊陽都人。有王佐才。隱居隆中。徐庶薦之。先主因三顧之。遂出。先主

以爲軍師將軍。拜丞相。先主崩於永安宮。受遺命輔後主。建興十二年北征。卒於五丈原。諡曰。

武侯。

梁甫吟

相和歌辭。楚調曲。○梁甫。同梁父。太山下小山也。○三國志曰。諸葛亮躬

畊隴畝。好爲梁甫吟。西谿叢話曰。藝文類聚載諸葛亮梁甫吟。不知何義。張衡四愁詩。欲往從之。梁甫艱。注言人君有德。則封泰山。泰山喻人君。梁甫喻小人也。諸葛好爲梁甫吟。恐取此意。穀按此解。亦未的確。蓋旣曰好爲梁父吟。則所吟當不止此一篇。或皆咏齊境內近梁父事。故以名篇。而散亡殆盡。惟此流傳耳。

步出齊城門。遙望蕩陰里。蕩陰里在今山里中有

三墳鼎鼎。正相似。一統志三士墓在臨淄縣治南。問是誰家墓。田

疆古冶氏。氏一作子。力能排南山。文能絕地紀。紀一作里。絕地

紀猶震驚。一世也。一朝被讒言。二桃殺三士。誰能爲此謀。

國相齊晏子。晏子公孫接田開疆古冶子事。景公以勇力聞。晏子過而趨。三子者不起。

晏子入見請公使人饋之二桃曰三子何不計功而食桃公孫曰接一搏猶再搏乳虎功可以食田曰吾伏兵而卻三軍者再功可以食古冶子曰吾嘗從君濟於河鼃啣左驂以入砥柱之流當是時也冶少不能游潛行逆流百步順流九里得鼃而殺之左操驂尾右挈鼃頭鶴躍而出津人皆曰河伯也若冶之功可以食桃矣二子曰吾勇不子若功不子逮取桃不讓是貪也然而不死無勇也皆反其桃挈領而死古冶子曰二子死之治獨生之不仁恥人以言而夸其聲不義恨乎所行不死無勇亦反其桃挈領而死

此傷晏子不能容人以讒言殺三士也體似平直不知由望出墳由墳出人然後追述其有力能文然後追敘其被讒同殺末方點清晏子之謀作收一氣直下却純是逆卷極爲矯變本是三士而脫却公孫是滲漏處兼說能文則補筆也

女門人王瑗佩霞複校

古詩賞析卷七

古詩賞析卷八目錄

魏詩

武帝

薤露行

蒿里行

短歌行

二首
選一

苦寒行

却東西門行

碣石篇

四首
選二
觀滄海

龜雖壽

文帝

雜詩

二首

至廣陵於馬上作

寡婦

有序

短歌行

燕歌行

二首
選一

善哉行

明帝

種瓜篇

陳王植

朔風詩

五首

贈徐幹

贈丁儀

贈白馬王彪

六首
有序

古詩賞析卷八

吳縣張玉穀蔭嘉選解

蔣曾煊德融

門人

蔣曾熿德明

校字

甥 嚴廷燦暎初

男 大鎔禹金

魏詩

武帝

姓曹氏名操字孟德沛國譙人少機警有權數而任俠舉孝廉爲郎遷南頓令遭漢

末亂歷位至丞相封魏王子
文帝受禪追諡曰武皇帝

薤露行

擬漢相和歌辭相和曲○魏樂所奏

惟漢二十世所任誠不良沐猴而冠帶知小而謀

彊

沐猴指何進沐猴而冠史記項羽本紀說者誦項王語

猶豫不敢斷因狩

執君王白虹爲貫日已亦先受殃

白虹貫日聶政刺韓傀事見國

策

賊臣執國柄殺主滅宇京

賊臣指董卓

蕩覆帝基業

宗廟以燔喪播越西遷移號泣而且行瞻彼洛城

郭微子爲哀傷

後漢書何進字遂高家本屠者女弟選入掖庭尋立爲皇后拜進大

將軍謀誅宦官太后不從進外收大名內不能斷

故事久不決召四方豪傑向京城以脅太后陳琳諫之不聽遂召董卓屯關中謀泄張讓段珪等斬進於嘉德殿袁術燒南宮欲討宦官珪等劫少帝

陳畱王夜出卓引兵急進聞帝在北邙因往奉迎
帝見卓恐怖涕泣卓與言不能辭對與陳畱王語
遂及禍亂之事卓以王爲賢遂廢少帝爲弘農王
立王爲天子是爲獻帝并弑太后卓遷太尉領前
將軍事聞東方兵起乃鳩殺弘農王徙都長安洛
陽數百萬口步騎驅促更相蹈藉積尸盈路悉燒
官廟官府二百里內無復孑遺○

此陽庚漾三韻第一部三聲通韻

此歎何進召董卓以致亂也首二就上任不良
說起直探亂源沐猴六句先敘何進召亂身死
知小謀彊猶豫不斷斷案平允珪等執君本在
進死之後此用倒敘法賊臣六句正敘董卓亂
事永二結到感傷
重在帝業傾覆

蒿里行

擬漢相和歌辭相
和曲○魏樂所奏

關東有義士與兵討羣凶

關東義士指袁紹羣凶
謂董卓呂布李傕郭汜

之初期會孟津。乃心在咸陽。軍合力不齊。躊躇而

雁行。勢利使人爭。嗣還自相戕。謂韓馥等諸州牧兵與袁氏自相戕

也。淮南弟稱號。刻璽於北方。指袁術鎧甲生蟣蝨。萬

姓以死亡。白骨露於野。千里無雞鳴。生民百遺一。

念之斷人腸。後漢書袁紹愛士養名賓客莫不爭赴其庭董卓廢立紹以渤海起兵與

從弟後將軍術冀州牧韓馥等同時俱起以討卓為名遙推紹為盟主馥見人情歸紹忌其得眾恐

將圖已不聽發兵貶節軍糧後遣子送印綬以讓紹紹遂領冀州牧以馥為奮威將軍尋自殺沮授

說紹曰觀諸州郡雖外託義兵內實相圖若西迎大駕挾天子以令諸侯誰能禦之紹不從曹操迎

天子都許詔書責紹不能勤王紹上書曰臣引會英雄興師百萬飲馬孟津歃血漳河勤不見紀勸

成重愆斯蒙恬所以悲號於邊獄也。魏志袁術字公路紹從弟也。董卓以術爲後將軍殺揚州刺史陳溫領其州李傕欲結術爲援拜左將軍封陽翟侯用河內張熯之符命遂僭號荒侈滋甚士卒凍餒江淮間盡空人民相食。○此冬陽庚三韻第一部通韻。

此數二袁輩討董卓以不和滋變亂益甚也。首四就本初討逆初心說起欲抑先揚作一開勢。軍合六句轉筆接敘當時諸路兵起遲疑起釁。公路竟至僭號之事。鎧甲四句正寫諸路兵亂之慘。末二結到感傷重在生民塗炭。○二章皆賦當時之事而借此舊題蓋亦有故。薤露蒿里本送葬哀輓之辭用以傷亂後喪亡固無不可。且上章執君殺主意重在上之人下章萬姓死亡意重在下之人又恰與薤露送王公貴人蒿里送士大夫庶人兩相配合勿徒以創格目之也。

短歌行

二首選一。○相和歌辭平調曲。○樂府解題曰：魏武帝短歌行對酒當歌。

人生幾何言當及時行樂也。○按郭樂府載此歌爲本辭無但爲君故二句又晉樂所奏一首則有但爲君故二句下接明明如月四句。○呦呦鹿鳴四句山不厭高四句共六解左樂府所載本與郭同惟古詩紀所載有但爲君故二句今從之。

對酒當歌。人生幾何。譬如朝露。去日苦多。慨當以

慷。幽思難忘。何以解憂。惟有杜康。

博物志杜康造酒。

青青

子衿悠悠我心。但爲君故。沉吟至今。

君卽指子衿也。呦呦。

鹿鳴食野之苹。我有嘉賓。鼓瑟吹笙。明明如月。何

時可掇。

掇取也。

憂從中來。不可斷絕。越陌度阡。枉用

相存契濶談讌心念舊恩。言曾在駕過存無如談
月明星希鳥鵲南飛繞樹三匝無枝可依山不厭
高水不厭深周公吐哺天下歸心。

此歎流光易逝欲得賢才以早建王業之詩前
四一截以酒發端就流光易逝引動早當建功
爲通章虛冒慨當十二句則思得賢才於士類
之中也却以慷慨幽思解憂惟酒憑空喝入然
後青青四句點清士類有賢心欲得而沉吟不
置繳醒慨慷幽思呦呦四句則透後言誠得賢
才輔治定當如鹿鳴之燕樂嘉賓方爲滿願繳
醒解憂惟酒爲一截明明十二句則思得賢才
於故舊之中也却借月不可掇先作一比拖出
憂難斷絕隱逗欲得之誠然後越陌四句點清
故舊有賢雖過存而每嗟契濶繳醒憂難斷絕
月明四句則從對面卽鳥鵲無棲比出賢才昧

時遠引。不知依我之深爲可惜。以月明星希領起。則又借以繳醒月。不可撥也。爲一截。後四方以兼容並蓄。引周公事。醒出得賢建業本心。千里雙龍一齊結穴。奸雄叵測。活現毫端。解題謂當及時行樂。何其掉以輕心。

苦寒行

相和歌辭清調曲。○此係本辭樂府解題曰。晉樂奏魏武帝北上篇。備言

冰雪谿谷之苦。其後或謂之北上篇。蓋因武帝辭而擬之也。

北上太行山。艱哉何巍巍。羊腸坂詰屈。車輪爲之

摧。

太行山。首始河內。北至幽州。凡百嶺。連亘十三州之界。第一軹關陁。在濟源縣。第二太行陁。在

懷

慶府城北。卽羊腸坂也。澗。樹木何蕭瑟。北風聲

正

悲。熊羆對我蹲。虎豹夾路啼。谿谷少人民。雪落

何霏霏。延頸長歎息。遠行多所懷。我心何悌鬱。思
欲一東歸。水深橋梁絕。中路正徘徊。迷惑失故路。
薄暮無宿棲。行行日已遠。人馬同時飢。擔囊行取
薪。斧冰持作糜。謂以斧碎冰而煮粥也。悲彼東山詩。悠悠使

我哀。

東山詩。幽風我徂東山詩。

此因行役苦寒而作。觀末用東山詩。應是北討烏桓時也。首四。就行役所至。先敘山路崎嶇之苦。爲寒字預作襯托。樹木六句。正寫蕭條寒景。熊羆二語。更插得可畏。延頸四句。介入遠行思歸心事。局勢一拓。水深四句。敘還轅迷路之苦。行行四句。就苦飢中帶轉苦寒。極便極密。末二。援古醒出。所以行役之故。作收。更得恤下大體。

却東西門行

相和歌辭瑟調曲此係魏晉樂所奏

鴻雁出塞北。乃在無人鄉。舉翅萬里餘。行止自成

行。冬節食南稻。春日復北翔。田中有轉蓬。隨風遠

飄揚。長與故根絕。萬歲不相當。不相當不能再連屬也奈何

此征夫安得去四方。去四方舍去四方征役之事也戎馬不解鞍。

鎧甲不離傍。冉冉老將至。何時返故鄉。神龍藏深

泉。猛獸步高岡。狐死歸首土。故鄉安可忘。禮記君子曰狐

死正首止仁也

此傷久從征役之詩首六鴻雁有時歸鄉一層反興田中四句轉蓬長辭故根一層正興奈何

六句方正敘征夫久從征役。老至難歸苦衷。末四謂故鄉終不能忘也。却用神龍三句。物各安居。死猶戀土。兩層三比。然後一句拍合。陡收。筆勢凌厲。通首增色。

碣石篇

舞曲歌辭雜舞。○南齊書樂志曰。碣石。魏武帝辭。晉以爲碣石舞。其歌四

章。

一曰觀滄海。二曰冬十月。三曰土不同。四曰龜雖壽。按相和大曲。亦有碣石篇與

此並同。但曲前更有
艷耳。○今選二章。

觀滄海

東臨碣石。以觀滄海。水何澹澹。山島竦峙。樹木叢生。百草豐茂。秋風蕭瑟。洪波湧起。日月之行。若出其中。星漢燦爛。若出其裏。幸甚至哉。歌以詠志。

此
贈

紙有寅四韻第二部三聲通韻中在東韻兩界不通則與庚韻之行另爲第一部通介在中間也此志在容納而以海自比也首二點題直起水何六句鋪寫滄海正面插入山木草風便不枯寂日月四句轉就日月星漢憑空想像其包含度量寫滄海正自寫也末二以志願至此醒出歌意詠歎作收

龜雖壽

神龜雖壽猶有竟時騰蛇成霧終爲土灰老驥伏櫪志在千里烈士暮年壯心不已盈縮之期不獨在天養怡之福可以永年盈縮謂運祚之修短言國家運祚修短不獨自天定之人主能養怡斂福則幸甚至哉歌以詠志天命在我而卜年可永也

此支灰紙寘四韻第二部三聲通韻而中介以先韻天年二字則又另爲一韻蓋詩必兩韻連押方爲一韻故前首中字必與行字協此首志字必與哉字協也

此志在功成當敘福永命也首四先就人壽不長兩層比起老驥四句轉到齒衰心壯烈士不忘建功再用一比折入最足炫目驚心盈縮四句方就功成後欲綿國祚務在敘福泛論其理末二亦以志願至此醒出歌意詠歎作收

文帝

名丕字子桓武帝長子爲五官中郎將武帝封魏王爲太子後嗣位受漢禪卽帝位

改元黃初在位七年諡曰文

雜詩

二首○本集上篇抱中作下篇黎陽作按詩有疑懼意應作於操欲易太子時

漫漫秋夜長烈烈北風涼展轉不能寐披衣起彷徨

徬徬徬忽已久。白露沾我裳。俯視清水波。仰看明月光。天漢回西流。三五正縱橫。

三五謂星詩三五在東縱橫多也

草蟲鳴何悲。孤雁獨南翔。鬱鬱多悲思。綿綿思故鄉。願飛安得翼。欲濟河無梁。向風長歎息。斷絕我

中腸。

此陽庚二韻第一部通韻

首四。以秋夜風涼引起。不寐而起。展轉徬徬。已將心事隱隱提動。徬徬八句。雜敘秋夜景物。而天漢四句。已寓羣小惑君。不能安身意。賦中比也。後六。接首四來。點明心事。離間之懼。不可明言。只借思鄉作影。其實非專指思鄉也。須知。

西北有浮雲。亭亭如車蓋。惜哉時不遇。適與飄風

會吹我東南行。行行至吳會。吳會非我鄉。安得久
畱滯。棄置勿復陳。客子常畏人。

首四以雲逐風飄。比起插惜哉句。筆勢凌厲。領
入亦極緊。吹我四句。點明不安於內心事。末二
惟遭棄置。故愈畏人。妙用以撇爲
補之筆。忽然轉韻收住。矯變異常。

至廣陵於馬上作

魏志黃初六年。幸廣陵。故
城臨江。觀兵。戍卒十餘萬。

旌旗數百里。帝
於馬上爲詩曰。

觀兵臨江水。水流何湯湯。戈矛成山林。玄甲耀日
光。猛將懷暴怒。膽氣正縱橫。誰云江水廣。一葦可
以航。不戰屈敵鹵。戢兵稱賢良。鹵猶
虜。古公宅岐邑。

實始剪殷商孟獻營虎牢鄭人懼稽顙顙上聲左

年會於戚謀鄭故也孟獻子曰請城虎牢以逼鄭

知武子曰善又十年諸侯之師城虎牢而戍之書

曰戍鄭虎牢非鄭地也言將歸也鄭及晉平注虎

牢已爲晉有故曰非鄭地追係於鄭以見鄭服則

晉必充國務畊殖先零自破亡零音憐漢書趙充

還之孫隴西上邽人也封管平侯宣帝神爵初先零與

諸羌豪結約爲西邊患上方擇將充國年七十餘

矣曰無踰老臣者旋破先零上屯田三奏上從畱

之屯田後羌若零離畱且種兒庫共斬先零大豪

猶非楊玉首及諸豪弟澤陽雕良兒靡

忘皆帥煎鞏黃牴之屬四千餘人降漢興農淮泗

間築室都徐方淮安泗州徐州皆量宜運權畧六

軍咸悅康量宜酌量豈如東山詩悠悠多憂傷此

機宜也

地名在廣陵北

此

此

庚養三韻第一
部三聲通韻

此詩訓將士以固守屈敵也。首二就觀兵敘事直起。畧將江水渲染一筆。戈矛四句。鋪寫軍容之盛。兩就器說。兩就人說。誰云四句。就上江水將可以飛渡。作一開筆。曲筆然後轉出不戰戢兵本旨。文勢震動。古公六句。三層援引古事。爲不戰戢兵作証。寬以養局也。後六與農築室。正示不戰戢兵權畧。卽坐實量宜。咸悅。翻用東山詩作收。壯甚。

寡婦

有序

友人阮元瑜早亡。傷其妻寡居。爲作是詩。

霜露紛兮交下。木葉落兮淒淒。候雁叫兮雲中。歸燕翩兮徘徊。妾心感兮惆悵。白日忽兮西頽。守長

夜兮思君。魂一夕兮九乖。悵延佇兮仰視星月。隨
兮天迴。徒引領兮入房。竊自憐兮孤栖。願從君兮
終沒。愁何可兮久懷。

詩傷寡婦而竟代寡婦自傷。最爲親切。首四句。就
秋景說起。感時觸物。蒼莽而來。妾心八句。以心
感字承醒。起意轉入長夜。思君之痛。星月迴天。
本賦夜景。然婦隨夫倡。比意亦涵。跌出引領入
房。自憐孤栖。噴醒題中寡字。夫寡婦之苦。何可
盡言。而涼秋靜夜。尤是淒其。故只就此寫意。正
復無所不包。末二結到從死忘愁。曲達
其深情。卽隱堅其貞念也。何等宛至。

短歌行

相和歌辭平調曲。○此曲魏樂所奏。
分六解。解四句。古今樂錄曰。王僧虔

伎錄云。短歌行。仰瞻一曲。魏氏遺令。使節
朔奏樂。魏文製此辭。自撫箏和歌。歌曰。貴

官彈箏貴官卽魏文也此
曲聲製最美不可入宴樂

仰瞻帷幕俯察几筵其物如故其人不存神靈倏
忽棄我遐遷靡瞻靡恃泣涕漣漣呦呦遊鹿銜草
鳴麇翩翩飛鳥挾子巢棲我獨孤煢懷此百離憂
心孔疚莫我能知人亦有言憂令人老嗟我白髮
生一何早長吟永歎懷我聖考曰仁者壽胡不是
保

此思親之詩首四就帷幕几筵觸起物在人亡
之痛神靈四句點清親沒隨拖起已無瞻恃呦
呦四句突插鹿鳥鳴麇挾子比山有所瞻恃之
樂反跌作開筆勢展拓我獨四句實敘孤煢之

憂莫吾知。人亦四句。頂憂字轉到早衰。兩層俱就己之無親着筆。末四。兜轉懷親。就痛親早世收作。

燕歌行

二首。選一。○相和歌辭平調曲。○此曲爲晉樂所奏。分七解。○樂府解題

曰。晉樂奏魏文帝秋風別日二曲。言時序變換。行役不歸。婦人怨曠無所訴也。廣題曰。燕地名也。言良人從役於燕而爲此曲。

秋風蕭瑟。天氣涼。草木搖落。露爲霜。羣燕辭歸。雁南翔。念君客遊。思斷腸。慊慊思歸戀故鄉。君何淹留寄他方。賤妾熒熒守空房。憂來思君不敢忘。不覺淚下沾衣裳。援琴鳴絃發清商。短歌微吟不能

長。明。月。皎。皎。照。我。床。星。漢。西。流。夜。未。央。牽。牛。織。女。
遙。相。望。爾。獨。何。辜。限。河。梁。

首三。突敘秋景。卽將燕北雁南。皆知時序。反興
而起。筆勢飄忽。念君三句。先就彼邊。揣度其客
遊。定亦懷歸。何久淹留之故。文勢一曲。賤妾五
句。方就已邊。正寫望歸。無聊情事。文勢一展。末
四。補寫夜景也。然就雙星限河遙望。爲之代惜
何辜。以賦寓比。闕然收住。竟不兜轉。懷人本旨
而彼己。恰已雙收。用筆入化。此仿柏梁句句用
韻。而一氣卷舒者。創體也。今人遇此體。概曰柏
梁。豈知柏梁乃聯
句。文氣不貫乎。

善哉行

擬漢相和歌
辭瑟調曲

上山采薇。薄暮苦飢。谿谷多風。霜露沾衣。

野雉

羣雛。猿猴相追。還望故鄉。鬱何壘壘。二解高山有崖。

林木有枝。憂來無方。人莫之知。三解人生如寄。多憂

何爲。今我不樂。歲月如馳。四解湯湯川流。中有行舟。

隨波轉薄。有似客遊。五解策我良馬。被我輕裘。載馳

載驅。聊以忘憂。六解

此客遊有感之詩。一解直敘客遊之苦。以下與比諸意皆在山谿伏根。二解就所見雛雛猴追之各有其耦。反興故鄉難歸。三解就所見山崖木枝之無不共見。反興憂來莫知。四解頂憂字作轉點。出行樂貴乎及時。五解指客遊之似行舟也。却反說行舟有似客遊。筆逆局展。六解結出忘憂作用。却卽仍就遊上說。便甚。

明帝

名叡文帝子太和六年青龍四年景初三年在位十三年

種瓜篇

雜曲歌辭○卽春遊曲玉臺題曰樂府

種瓜東井上。冉冉自踰垣。與君新爲婚。瓜葛相結連。寄托不肖軀。有如倚太山。兔絲無根株。蔓延自登緣。萍藻托清流。常恐身不全。登緣升於高處而延緣也。全保全也。被蒙丘山惠。賤妾執拳拳。天日照知之。想君亦俱然。

此擬定情之詩。首六先以瓜葛結連。比起新婚相樂。兩邊總領。寄托十字。側到己身。以有所寄托。比之如倚太山。醒出仰望之重。兔絲四句。意以婦人從夫。幸則受其庇護。不幸則或至棄捐。

作詩腰開宕之筆。却又不用正說。再入兔絲萍藻兩喻。憑空指出。便覺靈動。後四遙應。太山以蒙惠拳拳。天日可質。就已邊兜轉。彼邊收住。意在防其不然。却偏說想亦必然。尤得敦厚之旨。

陳王植

字子建。文帝母弟。十歲餘。誦讀詩賦辭論。凡四十萬言。善屬文。初封平原侯。尋

徙臨淄。文帝立。貶安鄉侯。徙甄城。立為甄城王。尋徙雍邱。明帝改封浚儀。復還雍邱。後徙東阿。加封陳王。薨。諡曰思王。

朔風詩

五首。○文選注。為東阿王時作。

仰彼朔風。用懷魏都。願騁代馬。倏忽北徂。凱風永至。思彼蠻方。願隨越鳥。翻飛南翔。

蠻方。應指孫吳思。思有以平靖

也之

五詩乃久役於外。將歸藩邑。在茲感懷之作。有
多少憂。諧願忠意在首章前四。忽懷魏都。後四
忽思吳會。直就途次。徬徨突然對峙而起。已將
身處危疑。不能安內靖外意。憑空振動。用筆既
超。而以風引入。託
典馬鳥。色亦敷腴。

四氣代謝。懸景運周。

景同影。懸景日月也。

別如俯仰。脫若三

秋。別字頂代謝來。言俯仰之間。昔我初遷。朱華未
忽。若三秋之久。總言其速也。言初遷初離藩邑。希。同稀。
希。今我旋止。素雪云飛。言凋謝。旋旋藩邑也。

二章只就時運易遷。遞入久役難歸之感。前四
泛論時不可留。積暫成久。頂上章來。有虛擲可
惜意。卽爲下半久役引端。後四接敘離藩往反
經年。就難顧室家致慨。寬以養局。昔我今我。脫
調亦工。

俯降千仞。仰登天阻。謂陸路山行之險也。風飄蓬飛。載離寒

暑。千仞可陟。天阻可越。昔我同袍。今用乖別。同袍當指

君

三章則就身歷危途。遞落不得於君主意。前四章後四。即領上意。翻跌山與君乖別之

可慮來。爲「章提筆極輕便。亦極醒豁。

子好芳草。豈忘爾貽。子指君。芳草喻賢臣。繁華將茂。秋霜悴

之。秋霜喻人。君不垂眷。豈云其誠。言非其本心。秋蘭可喻

桂樹冬榮。又喻已之終當報於末路。

四章方頂上乖別。欲明憂譖願忠心事。首三言君本好賢。已亦思報。三四言已正思報。譖人間

之五六言君不念我原非本心後二言君苟念我。可觀後效。不便明言。託喻於物。四居往復筆。似旋床。

絃歌蕩思。誰與銷憂。臨川慕思。何爲汴州。何爲何。

意喻在遠。孤豈無和樂遊。非我鄰。鄰猶。豈忘泛舟。

臣何山獲小。愧無榜人。必藉賢者調護。而恨竟無其人。

未章則以莫能排解。感慨作收。首二以絃歌誰與銷憂。喝起二四。突接臨川。何以泛舟。喻意在。

實孤臣不能獲上之愁。五六雖樂遊非吾鄰。則頂首二作轉筆。後二欲泛愧無榜人。則頂三四。

喻意噴醒。無人調護之恨。以爲諸章總結。正喻間出。虛實相生。與衍離奇。不易領畧。總論之首。

章起得飄忽。次章承得紆徐。三章落得緊醒。四章敘得曲折。五章收得錯綜。真乃有美必臻。無。

解可擊。

贈徐幹

驚風飄白日。忽然歸西山。圓景光未滿。衆星燦以

繁。

景同影。圓影月也。

志士營世業。小人亦不閒。聊且夜行

遊。遊彼雙闕間。文昌鬱雲興。迎風高中天。春鳩鳴

飛棟。流焱激櫺軒。

文昌。魏都殿名。迎風。觀名。列子。周穆王築中天臺。高中天。言高

於中天臺也。暴風。顧念蓬室士。貧賤誠足憐。薇蕨

弗充虛。皮褐猶不全。慷慨有悲心。興文自成篇。質

弃怨何人。和氏有其意。

葬非子。楚人和氏得璞玉。爲之武玉。王後玉人相之。

曰石也。別和左足。文王卽位。和又獻之。玉人又曰。石也。別其右足。成王卽位。和乃抱璞而哭於楚山之下。王使玉人理其璞。而得寶焉。名曰和氏之璧。彈冠俟知已知已。誰不。然。漢書王吉傳。吉字子陽。與貢禹。良田無晚歲。膏澤多豐年。言良田雖晚獲。膏澤亮懷璠璣。美積久。德愈宣。親交義在敦。申章復何言。

此慰徐不得意之詩。首四似賦。夜景起。却比小人道長。君子道消也。已與徐都在裏許。志士八句。頂上點明。邪正各有所事。仍從夜景幻出。夜遊。再爲君門高遠。宵小橫行。作一影子。仍是似賦。非賦。顧念六句。方落清徐現在貧賤。慷慨興文。寶弃四句。想因徐慷慨興文之內。有怨讒間阻。望已薦剡之語。爲之破解也。借徐插已。寓憤懣於和平之中。用筆最爲深曲。末六再入兩喻。

歸到有德必榮而以敦義
申章收清現在贈詩之意

贈丁儀

詩紀曰集云與都亭侯丁翼今云儀誤也穀按諸本皆作丁儀仍從乎衆

○魏畧曰丁儀字
正禮太祖辟爲掾

初秋涼氣發庭樹微銷落凝霜依玉除清風飄飛

閣朝雲不歸山霖雨成川澤禾黍委疇隴農夫安

所穫在貴都忘賤爲恩誰能博狐白足禦冬焉念

無衣客

狐白狐腋下白皮裘也晏子春秋齊景公時雨雪三日公披狐白之裘謂晏子曰雨

雪三日天下不寒何也晏子曰賢君飽思慕延陵

知入飢暖知人寒公曰善遂出裘發粟

子寶劍非所惜劉向新序延陵季子將西聘晉帶寶劍以過徐君徐君不言而色欲

之季子心許之矣。使晉反，則徐君子其寧爾。心親死，於是以劍掛徐君墓樹而去。

交義不薄。

此慰丁不得意之詩。前八。卽秋景之蕭瑟陰霾。田荒無穫。寫出方正不容影子。在貴四句。突接貴多忘賤。爲恩誰博。揭出惜丁本意。加以暖者忘寒。比喻托醒。便不單薄。末四。方以知己寧無轉合慰勉之意。援古作証。似自任。亦似冀人。何等忠厚。

贈白馬王彪

六首有序。○魏志。楚王彪字朱虎。武帝子也。初封白馬王。太和

六年。徙封楚。後坐罪自殺。○本集曰。於圜城作。

序曰。黃初四年正月。白馬王任城王與余俱朝京師。會節氣到洛陽。任城王薨。至七月。與白馬

王還國。後有司以二王歸藩。道路宜異宿止。意
毒恨之。蓋以大別在數日。是用自剖。與王辭焉。
憤而成篇。

謁帝承明廬。逝將歸舊疆。清晨發皇邑。日夕過首

陽。

承明門名。廬禁中寓直之所。唐解舊疆指鄆城也。時植雖封雍邱。仍居鄆城。皇邑皇都也。伊

洛廣且深。欲濟川無梁。泛舟越洪濤。怨彼東路長。

顧瞻戀城闕。引領情內傷。太谷何寥廓。山樹鬱蒼

蒼。

太谷在洛陽西南。

零雨泥我途。流潦浩縱橫。中逵絕無

軌。改轍登高岡。修坂造雲日。我馬立以黃。

此章自太谷以下諸本皆另爲一章。穀初疑兩章皆敘水陸之險。至三章方入白馬局勢太寬。且二章止說陸路隸涼之苦。更平直無味。不成好詩。欲合爲一。俾得盡除二弊。而苦無左証。遲回久之。嗣閱古詩所於此雖分二首。然於第一首下注云。一至我馬玄以黃爲一首。乃知二首原有合本。爲之大快。繼閱藝苑卮言。又有陳思王贈白馬王彪詩。全法大雅文王之什體。以故首二章不相承耳。後人不知有欲合而爲一者。良可笑也。之說。夫此詩當合。原就通體章法而言。非止爲下皆蟬聯。而此獨異也。使第據此議合。所見誠淺。然卮言不引既醉篇駁之。而反引文王之什。無論十篇爲什。卮言意指文王之篇。而曰文王之什。已爲大謬。卽以文王篇論。首二兩章文王二字。亦可作隔句蟬聯。而文王之什中下武之篇。王配於京句。更是首二兩篇明白蟬聯之証。讀書不細心體貼。而肆口雌黃。可乎。○首章先敘謁帝歸藩途中艱苦。豫觀別離憤

恨以作領繫前四直就謁帝歸藩初程敘起伊
洛六句接寫水路險艱以怨彼路長挑出情傷
戀闕略作一頓後八遞到陸路霖潦難行登岡
陟坂事只說馬勞人勞自顯通首不涉別離然
皆為別離憤恨厚集其勢更妙在顧瞻十字就
敘事中插入寫情隱將謾言惑主生離死別之
痛無不攝起
似寬實緊

玄黃猶能進我思鬱以紆鬱紆將何念親愛在離

居本圖相與偕中更不克俱鳴臬鳴衡輓豺狼當

路衢衡輓車蒼蠅間白黑詩青蠅鄭詭巧反親疎玄注蠅之

為蟲汗白使黑汗黑使白喻佞人變欲還絕無蹊

亂善惡也爾雅間毀也反一作令攬轡止踟躕

二章急點與白馬訣別。贈詩正意也。前六以馬
猶進。翻起思難舒。點清與王中路將離。中四推
原到護邪布滿。善惑主聰。以致骨月間阻。洗發
序中後有司三句意。好在多用比喻。只護邪一
句拍醒。故能露而仍含。未二欲還無路。攬轡踟
躕。暗收到主聽不聽。勒住。以下諸章。皆接上章
末句。蠲釋而下。須
玩其用筆不同處。

踟躕亦何留。相思無終極。秋風發微涼。寒蟬鳴我
側。原野何蕭條。白日忽西匿。歸鳥赴高林。翩翩厲
羽翼。孤獸走索羣。啣草不遑食。感時傷我懷。撫心
長太息。

三章乃頂前念生。引後念死。過峽之文。首二就
踟躕順落。相思爲本章領筆。生死皆包。後十重

復點清時序。補寫途中景物。只就感懷太息作收。似覺太空。然歸鳥孤獸。赴林索羣。觸目傷心。皆有比意。介在生離死別之間。正復惟空故靈。

太息將何爲。天命與我違。奈何念同生。一往形不

歸。孤魂翔故域。靈柩寄京師。存者忽復過。亡沒身

自哀。言存時忽忽而過。至於此身亡沒。自足哀也。人生寄一世。去若朝

露晞。年在桑榆間。影響不可追。謂已去之年。如影響之不可追也。

自顧非金石。咄嗟令心悲。咄音拙。嗟音借。驚歎聲。

四章追悼任城之死。在此題則爲旁意。然任城之死。白馬亦所心傷。借以作陪。序中前半語。方不落空。前六推原太息之故。醒出天命我違。敘清任城朝京而死。不得歸藩之痛。後八就任城

觸到已亦就衰。壽命不長。先用泛慨。
只末二拍合已身勒住。筆有縱擒。

心悲動我神棄置。勿復陳丈夫志。四海萬里猶比。

鄰。恩愛苟不虧。在遠分日親。何必同衾幃。然後展。

殷勤。

幃。單帳也。劉坦之曰。蓋用漢姜肱兄弟同臥之義。

憂思成疾。疾無乃。

兒女仁倉卒。骨月情能不懷苦辛。

五章近跟死別。遙頂生離。就不必悲傷。極力開拓。以展局勢。前二。接心悲來。却以棄置勿陳。一筆撇去。領起下意。而主聽不聰。已於撇筆中點出。妙妙。中八。就生離極難爲懷處。痛自排解。四層轉折。一氣直下。筆勢真如天馬行空。不可羈紲。後二。忽然就骨月乍別。能不繫情。以懷苦辛。兜轉勒住。更極矯變。

苦辛何慮。思天命信可疑。虛無求列仙。松子久吾

欺。

松子赤松子也。列仙傳。赤松子神農時雨師。

變故在斯須。百年誰能

持離別。永無會。執手將何時。王其愛玉體。俱享黃髮期。收淚卽長路。援筆從此辭。

末章雙頂上正旁兩意。以死別跌重生離。爲諸章總結。前四接上苦辛。再以慮思剔出天命可疑。求仙欺我。先將人必有死一喝。後八則暗頂任城死別。撲到與白馬長此生離。屬其保重。點清贈詩。永無會從此辭。直以生離爲死別。祝辭皆哭聲矣。通身結穴。憤恨意醒透十分。却反不曾說破神矣化矣。○連章詩。通長觀之。原是一章。須將正意旁意總意。以及領挈過峽開拓諸意。相間成章。方無複沓滲漏之弊。如此題與白馬王生離。正意也。與任城王死別。旁意也。以死

別醒生離總意也。作者以此三意。位置第二第四第六三章。而以挈領過峽開拓三意。虛實相間出之。謀篇最爲盡善。選中連章諸作。雖因題制變。各各不同。善學者無不可以隅反也。

女門人王瑗佩霞複校

古詩賞析卷八